

Omnibus alteræ Pharmacopœæ Norvegicæ editionis exemplaribus divenditis nova exemplaria typis describerentur necesse erat. Nonnulla nova medicamenta, quæ nunc frequenter adhibentur et quæ partim in formulam medicamenta vendendi jam recepta sunt, item nonnulla composita præparata ad plebis necessitatem præcipue accommodata digna, quæ hac occasione data adderentur, editoribus visa sunt. Item synonyma ad pharmacopœas, quæ postquam altera nostræ pharmacopœæ editio primum typis descripta erat editæ sunt, Svecicam, Germanicam, Britannicam et pharmacopœam Americæ septentrionalis, accommodarentur necesse erat.

Additamenta et graviores mutationes in tabula singillatim enumerata sunt. Quæ additamenta et mutationes iisdem, qui hanc editionem olim componebant, debentur, excepto tamen Dr. F. P. Möller, qui nunc quidem peregre profectus est. Chirurgus autem centurialis H. Lindboe editores adjuvit.

